



# Ավետիք Իսահակյան

## Արագին

Մեր սարերեն, խո՛ր ձորերեն  
Պըղտո՛ր – պըղտո՛ր կուգաս, Արա՛գ,  
Մեր սրտերեն, խո՛ր աչքերեն  
Արուն քամեր, կերթա՛ս, Արա՛գ...  
Մեր սարերեն, մո՛լթ ձորերեն  
Ուլո՛ր – մուլո՛ր կերթաս, Արա՛գ,  
Ա՛յ, սարե՛ր, ջան սարե՛ր,  
Այմաստի՛ սարեր...

Քանի՛ հարուր – հարուր տարի  
Մեր սրտերեն ելեր, կերթաս.  
Մեր դարդերով, մեր ցավերով  
Խուլո՛ր – մուլո՛ր կերթաս, Արա՛գ.  
Մեր սարերեն, մո՛լթ ձորերեն  
Մեր դարդերով կերթա՛ս, Արա՛գ,  
Ա՛յ սարեր, Հայ – սարե՛ր,  
Ջան անո՛ւջ սարեր...

Ու դարերով, մեր դարդերով  
Էս աշխարհի քար – ապառաժ,  
Անգութ խըղճին միշտ զարնելով՝  
Տըխուր – տըրտում կերթաս, Ար՛ագ...  
Մեր սարերեն, խոր ձորերեն

Արուն քամեր, կուգա՛ս, Արա՛գ.  
Ա՛յ սարե՛ր, ջա՛ն ձորե՛ր,  
Չավահի՛ր սարե՛ր...

Ա՛խ, աշխարհը անխրդճմտանք  
Քեզ չի գրթա, ազիզ – Արա՛գ,  
Քո բողոքին, քո մորմոքին  
Չի էլ լըսի, արնոտ Արա՛գ...  
Մեր սարերեն, խոր սրտերեն  
Տըխտը – տըրտում կերթա՛ս, Արա՛գ.  
Ա՛յ սարե՛ր, Հայ ձորեր,  
Չմրոխտի սարե՛ր.

Դուն էլ, Արա՛գ, մեր արունով  
Էս աշխարհի խրդճի վըրա  
Դիզվի՛ր, դարձի՛ր սև - դատըն ծով, -  
Թո՛ւյն ու արո՛ւն, ազիզ –Արագ...  
Մեր սարերեն, մեր սրտերեն  
Արուն քամեր, կերթա՛ս, Արագ.  
Ա՛յ սարեր, Հայ սարե՛ր,  
Չա՛ն, անուշ սարե՛ր,  
Ալմաստի սարե՛ր...

Վիեննա

1901